

Doktór Bòłący

Grétka so szczidnã kòlano
Tóna mô gùczã na głowie
Wandze nót proszk je do spaniô
Rómk złapił cos wczora w rowie

Étka przëwiozła z Eùropë
Chòrosc pòerasmùsowã
Òd te sã w kropie ji sztopie
A "non, non, oui, oui" wcyg gòdô

Trzëdzesce a dzewiãc gradów
Ògròżka, skazonô skóra
Chtos różã Janczëny zadôł
Sprzedôł pieczelnégò mùla

Rãka złómionô a w ropie
Z mòtorã dujas na bómie
Żgaga i pòłnié sã copie
Zôs salmònela je w krómie

Recëskò żgrze lud òd bëna
Dëszci cos w płëcach, żgò w nérkã
Rojma pòskrąca w sprãżënã
Z służbã zdrowiô pòniewiérka

Nasz doktór Józef Bòłący
Pòmòże chòrim w pòtrzebie
Chòcò z marasz bë je spiący
Òn wëlëkarzi téż Ciebie!

Chùtkò receptã wëpisze
Do sanatorium sczerëje
Bãdziesz dzél zdrowszi ju dzysò
Z chërë sã prosto wësmiejesz

Próžno swã kòsã klepiwò

Ta nôzmiarcészô ze zmiartëch
Kùpisz ji bôtë a biwô
Že pò trzech dniach wrócysz z martwëch...

Tómk Fópka, Chwaszczëno, 9 maja 2020 rokù, gòdz. 15.54